

醫學辨害



醫學辨害

元岳

六



陰者其精奉於上故左寒而右涼是以地有高下氣有溫涼高者氣寒下者氣熱故適寒涼者脹之溫熱者瘡下之則脹已汗之則瘡已此理開閉之常大小之異耳帝曰其於壽夭何如岐伯曰陰精所奉其人壽陽精所降其人夭又帝曰一州之氣生化壽夭不同其故何也岐伯曰榮高則陰氣治之汚下則陽氣治之陽勝者先天陰勝者後天此地理之常生化之道也帝曰其有壽夭乎岐伯曰高者其氣壽下者其氣

天地之小大異也。小者小異，大者大異。故治病者，必明天道地理、陰陽更勝、氣之先後、人之壽夭、生化之期，乃可以知人之形氣矣。蓋本篇論五運六氣之變，此論方位主氣之常。予既謂常變僭言其理，易曉是也，不足西北猶言有餘，東南也，滿亦謂足也，不滿東南猶言有餘，西北也，陰陽之氣，謂寒涼溫熱之氣也。高下之理，謂東南西北之理也。大謂天下，一州之大也；下文所謂大者，大異是也。小謂一邑一宮之小也。下



文所謂小者小異是也左右是向異背乾而言者也奉之爲言升也適之二字共其爲言往也淡當作朕是傳寫之誤也開謂開發也閉謂閉密也陰精陽精下文所謂陰氣陽氣是也此言寒涼溫熱之氣東南西北之理天下一州一邑一宮大小之異壽夭不同之故也夫天爲陽而位於上不足西北而有餘東南有餘則東南陽勝其精降於下而溫熱行令故右熱而左溫也地爲陰而位於下不足東南而有餘西北有餘

則西北陰勝其精升於上而寒涼行令故左寒而右涼也其間無容一隙天地互相依附天氣所不足地氣必有餘地氣所不足天氣必有餘故東南下而溫熱行令西北高而寒涼行令是所謂地有高下氣有溫涼高者氣寒下者氣熱之義乃自然之勢也亦元正紀本論曰至高之地冬氣常在至下之地春氣常在亦此義也凡人移居生病因地氣而不同往寒涼地者腠理閉密正氣鬱內而多成脹往溫熱地者腠理開

發邪氣襲外而多成瘡瘡在于外而宜汗之
在于內而宜下之故下之則脹已汗之則瘡已
此寒涼溫熱腠理開閉之常天下一州一邑一
宮大小之異耳苟欲治病者必可盡明之其能
明之可以知人之形氣矣夫抵人之壽夭先以
方位言之西北是陰精所升寒涼行令腠理閉
密正氣難泄邪氣難冒陽火難盛陰水難衰其
人多無病而壽也東南是陽精所降溫熱行令
腠理開發正氣易泄邪氣易冒陽火易盛陰水

易衰其人多有病而夭也又以高下言之崇高則陰氣治之其地寒涼行令其人無病而壽陰精所升之西北也污下則陽氣治之其地溫熱行令其人有病而夭猶陽精所降之東南也張介賓曰陰精所奉之地陽氣堅固故人多壽謂崇高之處也陽精所降之地陽氣易泄故人多天謂污下之處也唯是自陽氣而言之乃爲一偏之見者也又以陰陽言之陽動而速陰靜而遲遲則生化後天速則生化先天故陽勝者



先天而天陰勝者後天而壽此地理之常生化
之道也李東垣脾胃論著陰陽壽夭論曰夫陰
精所奉者上奉于陽謂春夏生長之氣也陽精
所降者下降于陰謂秋冬收藏之氣也且如地
之伏陰其精遇春而變動升騰于上即曰生發
之氣升極而浮即曰蕃秀之氣此六氣右遷于
天乃天之清陽也陽主生故壽天之元陽其精
遇秋而退降墜于下乃爲收斂殞殺之氣降極
而沉是爲閉藏之氣此五運左遷入地乃地之

濁陰也。陰主殺，故天根于外者，名曰氣立，氣止則化絕。根于內者，名曰神機。神去則機息，皆本升而降也。地氣者，人之脾胃也。脾主五藏之氣，胃主五藏之精，皆上奉于天。二者俱主生化，以奉升浮。是知春生夏長，皆從胃中出也。故動止飲食各得其所，必清必淨，不令損胃之元氣。下乘腎肝及行秋冬殞殺之令，則亦合于天數耳。予按西北方陰也，左寒而右涼，高者氣寒，陰氣治之等辭，皆是自陰精所奉而言之。何却謂春

夏生長之氣乎東南方陽也右熱而左溫下者
氣熱陽氣治之等辭皆是自陽精所降而言之
何却謂秋冬收藏之氣乎東垣既於第一論曰
陰精所奉謂脾胃既和穀氣上升春夏令行故
其人壽陽精所降謂脾胃不和穀氣下流收藏
令行故其人夭于此所論咸承其義是見陰爲
陽見陽爲陰且解陽精所降以脾胃不和之變
皆是違內經之旨者也夏陽出地上陰伏地下
冬陰出地上陽伏地下故夏爲伏陰冬爲伏陽



伏陽遇春則出地上是謂之生發之氣東垣亦
既知其義故於上論曰冬陽氣伏藏于水土之
下如非常泄精陽氣已竭則春令從何而得萬
化俱失所矣然又此曰地之伏陰其精遇春而
變動是何自相戾也內經論以方位主氣之常
東垣解以氣運遷動之變恐是泥於本篇有論
五運六氣也陽勝者先天陰勝者後天二句是
決爲陽主天陰主壽之謂也其反而曰陽主生
故壽陰主殺故夭是又見陰爲陽見陽爲陰者



也唐子西論壽夭以鈍銳動靜之分其言一
得合乎陽勝陰勝之旨其所謂以鈍爲體以靜
爲用是誠足爲有能得養生之道東垣所以不
若子西乃不能得內經之旨也夫神機氣立相
爲運用是以有與陰陽得出入升降之道也機
息化絕不爲運用是以有與陰陽失出入升降
之道也其本所升者不降而升其本所降者不
升而降是其常也若陰陽失道升降反常是其
變也東垣曰皆不升而降便指陰精所升者失

道是未知機息化絕者陰陽共失道而不止于
陰精也又未知內經所謂壽夭者不論變而論
地理之常也其餘結文春生夏長秋冬烈殺等
言亦皆違內經之旨所以不論地理而論脾胃
也或曰天地萬物有氣有形精者言氣形中之
精粹天爲陽而位於上陽中之陰降而交地是
卽陽之精粹爲之陽精所降地爲陰而位於下
陰中之陽升而交天是卽陰之精粹爲之陰精
所奉故東垣見陰精而爲陰中之陽見陽精而

爲陽中之陰曰陰精所奉者上奉于陽謂春夏
生長之氣也陽精所降者下降于陰謂秋冬收
藏之氣也予曰陽中之陰陰中之陽相爲升降
共在四方故東南亦有所升者西北亦有所降
者一方無所不升降是爲之交泰之道內經東
南唯言其所降者西北唯言其所升者是卽高
下之理大異交泰之道嚮謂天氣所不足地氣
必有餘地氣所不足天氣必有餘是也若不從
予言而從吾子之言當爲東南天氣交地而地



氣不交天西北地氣交天而天氣不交地上
所謂左寒而右涼右熱而左溫亦皆常見寒涼
爲陽所致見溫熱爲陰所致下文所謂陰氣
氣陽勝陰勝亦皆常見陰爲陽見陽爲陰是其
顛倒錯亂之至聖經豈有如此之言乎若果爲
陰中之陽陽中之陰聖經豈有不明言而惑人
乎或曰東垣所謬詳得領教虞天民亦引難經
與王冰註有論壽夭不齊之義其說所謂王註
曰陰精所奉高之地也陽精所降下之地也陰



方之地陽不妄泄寒氣外持邪不數中而正氣
堅守故壽延陽方之地陽氣耗散發泄無度風
濕數中真氣傾竭又所謂西北二方在人爲腎
水肺金所居之地二藏常恐其不足東南二方
在人爲肝木心火所居之位二藏常恐其有餘
難經曰東方實西方虛瀉南方補北方等語卽
此之義也夫腎水既實則陰精時上奉於心肺
故東方之木氣不實而西方之金氣不虛此子
能令母實使金得以平木也是故水日以盛而